

Broj: 13-02/2-11-33361-6/22
Sarajevo, 22.09.2022. godine

Na osnovu člana 12. stav (1) i člana 16. stav (1) Pravilnika o nabavkama roba za potrebe korisnika Javnih kuhinja Kantona Sarajevo broj: 13-02-21013 od 10.07.2015. godine, Zapisnika o ocjeni ponuda broj: 13-02/2-11-33361-4/22 i Preporuke Komisije za nabavku broj:13-02/2-11-33361-5/22, ministrica Ministarstva za rad, socijalnu politiku, raseljena lica i izbjeglice **d o n o s i:**

ODLUKU O PONIŠTENJU

postupka nabavke svježeg voća za potrebe korisnika Javnih kuhinja Kantona Sarajevo

Član 1.

Poništava se postupak nabavke svježeg voća za potrebe korisnika Javnih kuhinja Kantona Sarajevo iz razloga utvrđenih Pravilnikom o nabavkama roba za potrebe korisnika Javnih kuhinja Kantona Sarajevo broj: 13-02-21013 od 10.07.2015. godine, član 12. stav (1) i član 16. stav (1).

Član 2.

Ova Odluka objavit će se na web stranici Ministarstva za rad, socijalnu politiku, raseljena lica i izbjeglice Kantona Sarajevo www.mrsri.ks.gov.ba, istovremeno sa upućivanjem iste ponuđaču koji je učestvovao u postupku nabavke.

Član 3.

Ova odluka stupa na snagu danom donošenja.

Obrazloženje

Postupak nabavke svježeg voća za potrebe korisnika Javnih kuhinja Kantona Sarajevo pokrenut je Odlukom o pokretanju postupka nabavke broj: 13-11-32385-2/22 od 31.08.2022. godine.

Tenderskom dokumentacijom je utvrđeno provođenje nabavke sa kriterijom najniže cijene tehnički zadovoljavajuće ponude, te su definisani uslovi za kvalifikaciju.

Procijenjena vrijednost nabavke je: 311.466,00 KM bez PDV-a.

Obavještenje o nabavci je objavljeno u dnevnim listovima „Dnevni Avaz” i „Oslobođenje” dana 05.09.2022. godine, te na web stranici ministarstva.

Krajnji rok za dostavljanje ponuda prema obavještenju i tenderskoj dokumentaciji bio je 20.09.2022. godine do 14:00h.

Javno otvaranje ponuda zakazano je za 20.09.2022. godine u 14:30h.

Komisija za javne nabavke, imenovana Rješenjem o imenovanju komisije broj 20-11-32385/22 od 24.08.2022. godine, dana 20.09.2022. godine sačinila je Zapisnik o otvaranju ponuda u kojem je konstatovano da je za predmetnu javnu nabavku pristigla samo **jedna** ponuda u krajnjem ostavljenom roku, i to ponuđača „VINOJUG” d.o.o. Sarajevo.

Komisija je dana 21.09.2022. godine pristupila ocjenjivanju dostavljene ponude, u smislu ispunjavanja uslova kvalifikacije navedenih u tenderskoj dokumentaciji.

Pregledom dostavljene ponude ustanovljeno je da ponuđač „VINOJUG” d.o.o. Sarajevo nije dostavio dokaz da je u posljednje tri godine zaključen najmanje jedan ugovor u vrijednosti od minimalno 311.466,00 KM bez PDV-a, koliko je procijenjena vrijednost nabavke, odnosno 364.415,22 KM sa PDV-om, kako je traženo prema tenderskoj dokumentaciji.

U skladu sa navednim odlučeno je kao u dispozitivu ove Odluke.

POUKA O PRAVNOM LIJEKU: Protiv ove odluke se može izjaviti prigovor Ministarstvu za rad, socijalnu politiku, raseljena lica i izbjeglice Kantona Sarajevo, najkasnije u roku od 7 (sedam) dana od dana prijema iste.

Dostaviti:

- VINOJUG d.o.o.

- a/a

